



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

CCCLXIV. Die von Vinzelberg verpfändeten Besitzungen in Garchau an die Marienkirche zu Stendal, am 29. November 1494.

Nutzungsbedingungen

[urn:nbn:de:hbz:466:1-56044](https://nbn-resolving.org/urn:nbn:de:hbz:466:1-56044)

CCCLXIV. Die von Vinzelberg verpfändten Besizungen in Garchau an die Marienkirche zu Stendal, am 29. November 1494.

Ich hans van vinzelberch, wanhaftich to Stendal, bokenne etc., dat ik mit — volbordt drewes vnd Jurgen van vinzelberch, myner broder, Otto, philippus vnd hans van vinzelberch, myner feddern, dar ick mede in samenden lene sitte, vor vnns vnd vnse eruen rechtes wedderkopes vorkofft hebbe vnd vorkope In crafft vnd macht desses den erfamen mateus moring, wilke feger vnde hans schonhufen, nu tho der tidt vorstender der Kerken vnser lieben frawen tho Stendal, vnd alle oren nakamelingen dersuluen kerken, In den dorpe tho Garchow twe deil des hogesten vnd fideften gerichtes vnd dinst In den houen vnd straten, In velden vnd In marken, mit water vnd weiden vnd mit allen thobehoringen, also dat vnse vader feliger gehat hefft vnd vns geeruet is, vnd In densuluen dorpe In vnd ouer gade franzows hoff vnd huuen mit alle des houes thobehoringe, X honer vnd den smalen teget, In vnd ouer Otte schulten hoff vnd huuen mit alle des haues thobehoring VI honer, vnd auer michel crugers erue, weide vnd thobehoringe III honer vnd den smalen teget, vor C gude rinsche gulden etc. — Ok bekennen wy vpgnanten van vinzelberch vor vns vnd vnse eruen vnd vorkopen ock Jegenwardigen vp einen wedderkop den vorgeschreuen vorstender vnd alle nakomelingen dersuluen kerken alle vnd itlike Jarlicke renthe vnd tinthe In dessen vorgnanten dorpe tho garchow, de vnse selige vader vthgesettet hefft, dat se de mogen tho sick losen vnd scholen sick der briue mit den Jarliken timen vnd renten fredeliken gebreken, ane eines Jedermans vorhindernisse, Iso lange dat ick hans van vinzelberch ader mine eruen de wedderlosen willen samptlicken edder ein ielick befondern, nach lude der vorsegelden breue. Ock schal ick vpgnante hans van vinzelberch edder mine eruen dat vorgeschreue richte, dinst, hunre vnd smalen teget nicht macht hebben aftolofende, sonder de vorgnante pechte, tinse vnd rente mit den briuen, de se do also sick gelofet hebben, scholen vor aff gelecht sin, ane list vnd geuerde. Ock bekenne wi drewes vnd Jurgen van vinzelberch vor vns vnd vnser eruen, dat hans van vinzelberch de twe dell vnser guder, so vnser vader de vns geeruet hadde tho garchow, mit vnser willen vnd vulborden van philippus vincelbergen wedder affgekofft hefft vnd den vorgnanten vorstendern tho vnser leuen frowen tho stendal wedder vorsehriuen mach vp einen wedderkop etc. Des tho groter witschap vnd bokantnisse hebben wi hans, Drewes, Jurgen, Otto, philippus vnd hans, broder vnd feddern, alle geheiten van vinczelberch, vor vns vnd vnse eruen ein Jewelick vnse Ingefegele mit willen, weten vnd witschap hangen laten vnden an dessen apen briff, gegeuen vnd geschreuen na christi vnser hern geborth MCDXCIV Jhare, an sunte andreas auent des hilgen apostels.

Nach einer Copie. (Mittheilung des Herrn Geh. Reg.-Rathes von Werbed.)